

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

06 Juillet 2018
(21 Shawwal 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « Messages Divines 21-23 Juin 2018 ».

Pour azordi, mo fine choisir pour présente devant zot bane Messages Divines ki mo fine recevoir le 21 juin 2018 en anglais, bane messages de la part d'Allah ki ti déssane parfois de façon continuel et les autres fois boute par boute ziska le 23 Juin 2018.

Bismillah-ir-Rahman-ir-Rahim. Révélation là ti commence avec:

Al-Yawma ak-maltu lakum Diinakum wa atmamtu alaykum nimatii wa raziitu lakumul Islaama Diinaa. [Ce ki veut dire: *Aujourd'hui, Mo fine rende ou religion parfait, et Mo fine complète Mo faveur lor ou, et li faire Moi plaisir donne ou l'Islam comme religion.*]

Ô Munir Ahmad Azim, Mo Khalifatullah et Messie de sa l'époque là, Mo fine élève toi dans sa siècle là comme **Dalil Al-Khayrat** (Le Guide vers bane bons pratiques) et **Nâsîh** (Le Véritable Conseiller et Transformateur de l'âmes de bane dimounes) avec ene Jamaat ki appelle **Sahih al Islam**.

Sahih al Islam signifie: Le véritable Islam ki corrige et annule bane distorsions de l'homme de bane vérités divines ki ti révélé avant et pour rétablir le vrai message d'Allah (swt).

Le **Jamaat Ul Sahih Al Islam** fine élevé dans sa le monde là dans sa l'époque actuelle là pour libère li [sa le monde là] de bane malédictions de l'impérialisme et du capitalisme ki pé tyrannise l'humanité et le fléau de l'intouchabilité [**c'est-à-dire**, *kot bane dimounes ou gouvernements expulser ou repousse et qualifié bane groupes de bane dimounes comme bane dimounes intouchables, bane dimounes ki d'après zot pas forme dans zot parties et ki pé créer désordre pour zot, bane tels dimounes ki zot trouver pas digne pou forme partie de la société ki zot pé vivre*] – kot sa fléau là créer bane distinctions artificiel et bien dangereux entre bane êtres humains.

Jamaat Ul Sahih Al Islam enseigne la démocratie et prêche la fraternité universelle pour remonte le moral à bane dépressifs et à bane ki fine décourager et désespérer (pour élève zot) et assure zot l'égalité de traitement.

Dans Jamaat Ul Sahih Al Islam, faudé pas ena *family-feeling* parmi to bane disciples, Ô Khalifatullah et aucaine dynastie. Tous to bane disciples **bizin** couma bane membres [d'ene même lé corps] ene pour l'autre et couma ene membre de to lécorps souffert, l'autre membre souffert également, comme c'est le cas avec bane membres de la famille humaine.

Dans Jamaat Ul Sahih Al Islam, bane différences entre ene businessman puissant et ene ouvrier zot seulement temporaire et durer aussi longtemps ki zot engager dans zot bane l'occupation respectif. Le moment ki zot être libéré de zot poursuite mondaine et rassembler dans ene *Masjid* pour faire la prière, sa différence là disparaite. Ici, en présence du Tout-Puissant, le roi et le mendiant, le riche et le pauvre, le savant et l'ignorant zot tous trouve zot dans même catégorie. Zot tous bizin deboute côte à côte [zépaul contre zépaul] dans ene la ligne. En plisse de sa, dans bane soi-disant z'affaires sociales du monde, zot tous ena le droit égal pou participe dans bane la joies et bane la peines des z'uns et des z'autres.

Dans le Jamaat Ul Sahih Al Islam l'arrogance et la fierté, et l'attribution à soi-même de toute sorte de supériorité lors bane les autres li ene péché juste après

l'insolence [ki ene dimoune montrer] au Tout-Puissant et ki questionne l'autorité unique de Dieu (Allah (swt)) et ki appelle quelqu'un d'autre (ki Allah) par le même nom (ki Allah). La fin de bane arrogants et insolents pou certainement bien grave.

Si arriver ene ki riche traite ene laboureur ou ene mendiant avec mépris ou si arriver ene dimoune ki ena la force, et ene ki puissant faire bane faibles vine zot bane esclaves avec zot la force et zot puissance, si arriver bane savants arriver penser ki bane ignorants inférieurs à zot – sa bane manifestations là et toute autre manifestation d'arrogance zot ene cause de la chute de l'humanité d'après bane la lois d'Allah (swt).

Ene verset du Quran Shareef ki digne d'être imprimé en lettres d'Or lor lé cœur de tous to bane disciples du Jamaat Ul Sahih Al Islam c'est:

« Celui qui évite tous bane péchés li le plus honorable devant Allah. »

LE FANATISME LI VINE D'ENE DIMOUNE SO PROPRE CROYANCE ARROGANT, ET NON PAS DE LA FOI

Ô Khalifatullah, donne sa message là à toute l'humanité et à to bane disciples ki l'arrogance li ene maladie ki détruire partout. C'est pourquoi Allah (swt) condamne sa plusieurs fois dans Quran. Fanatisme li ene syndrome d'arrogance.

Si ene kikaine ena ene croyance ferme ki so religion li la vérité ultime, sa implique en général ki li pli véridique ki bane les autres religions. Sa kalité la foi là li en général vue comme ene de bane sources, et même la source principale, de fanatisme et l'intolérance. Sa conclusion là li tiré kan ou observer ki sa bane kalité dimoune là croire ki zot la religion li même pli meilleure. Tandis ki sa observation là li vrai, mais pou alle lier fanatisme à so propre étendu de croyance (saki li-même li percevoir) dans sa bane les autres dimoune là zot croyances li superficiel. Sa kalité observation là li pas réussi découvert la cause réelle et pli fondamentale de sa [problème là]. Saki faire ene dimoune intolérant c'est pas sa bane les autres dimoune là zot croyance ki zot la foi sa même « vrai » religion là. Mais li pluto zot propre l'image explicite et implicite ki zot projeter comme ene vrai croyant et représentant de sa religion là. Le problème c'est pas ki ou ena ene la foi inébranlable dans ou religion, mais c'est pou ena ene la foi vaine (sans fondation) dans ou-même ki ou ene bon croyant. Ena trois observations ki confirme sa.

- Le premier, la plus grande majorité de bane dimounes ki croire ki zot religion li suprême zot tolérant, respecter croyances de bane les autres, et zot co-exister sans problème (avec plaisir) avec sa bane dimounes là.
- Deuxième, bane fanatiques montrer l'intolérance non pas seulement à bane ki accepter bane les autres religions, mais aussi à bane croyants ki partage même la foi ki zot, mais ki zot pas considérer (dans zot lizié) comme bane bons croyants. Clairement, l'intolérance ici li le résultat de sa bane kalité dimounes là kot zot prend zot-mêmes pli meilleur ki bane les autres croyants ki partage même la foi ki zot.
- Troisièmement, fanatisme li pas exprime li-même dans ene kikaine so relation avec Allah, mais dans ene kikaine so relation avec bane les autres dimounes. Li pas ene état d'esprit ki 'concentrer' lor le développement interne de sa dimoune là même, mais li ene état d'esprit ki manifester li-même kan sa dimoune là li deal avec bane les autres (dimounes).

Sa forme extrême de confiance en soi injustifiée là li seulement la manifestation d'ene arrogance totale. C'est sa genre d'orgueil mal-avizé là ki Shaytane ti montrer kan li fine diskitte avec Allah ki li meilleur ki Adam et ki li pas pou prosterner devant li.

« Nous ti créer ou, ensuite Nous fine donne ou, ou forme. Après sa Nous fine dire bane anges: 'Prosterner devant Adam.' Zot fine prosterner, mais pas Shaytane [Ibliss]. Li pas ti parmi bane ki ti prosterner. » (Chapitre 7, Verset 12).

Li (Allah (swt)) fine dire: « Ki fine empêche toi prosterner kan Mo ti donne toi l'ordre? Li fine réponde: 'Mo pli bon ki li. To ti créer moi avec difé, et To fine créer li avec la terre.' » (Chapitre 7, Verset 13).

Satan fine penser ki li meilleur ki Adam lor base d'ene supposition ki li fine faire. Bane fanatiques zot aussi zot penser ki zot meilleurs ki les autres, couma dire Allah fine dire sa. Sa ki suivre c'est ene verset instructif lor sa question là.

« Ô bane croyants! Kan ou voyager dans le chemin d'Allah, guette bien et pas dire à celui ki faire ou ene Salaam: 'To pas ene musulman.' Ou ena lizié lor dibiens la terre, mais c'est auprès d'Allah ki ena beaucoup à gagner. Ou ti couma zot avant, et Allah fine envoye ou So faveurs, alor guette bien. Allah au courant de séki ou faire. » (Chapitre 4, Verset 95).

Ô Khalifatullah, Allah averti bane croyants pou pas prend zot comme supérieurs à bane non-croyants, kot Allah pé faire zot rappelle ki zot aussi [à ene point donner] zot ti bane non-croyants et ki c'est par So faveur ki astaire là zot bane musulmans. Sa déclaration là bizin enlève de zot tout fierté kot zot penser ki être musulmans li ene réussite personnelle et zot bizin enlève tout sens de supériorité [ki zot ena] envers les autres.

Zot bizin garde à l'esprit ki le verset ki fine fek mentionner pas attribuer à Allah tousel la conversion de l'homme à l'Islam. Sa veut dire ki l'état de croyant (de croyance) bizin toujours être considéré comme ene faveur continuel d'Allah. Même si ou ene croyant parfait, pas ena aucaine garantie ki sa pas pou changer. Ene pli zoli exemple d'humilité ki trouve dans l'humilité de bane ki ena ene la crainte réelle pour Allah et ki zot content Allah li apparent dans ene de So bane serviteur privilégié, Yusuf (as) kan li fine supplié:

« Ô mo Maître, To fine donne moi pouvoir et To fine enseigne moi couma interprète bane paroles [bane rêves, visions etc.]. To même Créateur bane les ciels et la terre. To même mo protecteur lor la terre et dans la vie après la mort. Prend mo la vie comme ene musulman, et faire moi zoine bane ki fine faire bon. » (Chapitre 12, Verset 102).

Au moment kot li fine prononce sa bane paroles là, Yusuf (as) ti fini vine ene prophète et li ti ene kikaine ki fine faire beaucoup de miracles [par la volonté d'Allah] et ki fine expérience ene grand nombre de bane faveurs depuis Allah. Tous sa là pas fine affecter so humilité parski li fine accepter ki, pour li reste ene Musulman (ki soumette complètement à Allah), li ti bizin l'aide continuel d'Allah. Pas ti ena la moindre trace d'arrogance, de confiance en soi injustifié ou de vanité dans li.

L'arrogance fine détruire [brize, casse] la race humaine depuis so commencement. Ene zenfant malsain de sa maladie spirituelle là, c'est le fanatisme et li pas limite li à la religion. Bane dimounes zot capave vine bane fanatiques lor n'importe ki croyance, parceki fanatisme li vini kan ene dimoune ena ene grand sentiment exagérer ki li ene dimoune trop droite [ou trop pieux]. Bane ki occupe bane postes de direction tels ki bane politiciens zot encore plus susceptibles au fanatisme, parceki le leadership donne à sa kalité dimoune là ene sens de mission [ki li ena ene grand travail pou li faire] et ki capave être facilement être confondue avec ene sentiment de droiture ki li senti li ena et kot li prend li-même comme

ene dimoune trop important. L'arrogance c'est ene maladie ki détruire partout, et c'est pourquoi Allah condamne sa plusieurs fois dans Quran. Ene l'exemple de sa c'est:

« Et pas tourne to figure de bane dimounes avec l'orgueil et pas marche lor la terre couma ene vantard, parceki Allah pas content tout arrogant ki vante zot-même. » (Chapitre 31, Verset 19).

Le fanatisme li ene syndrome d'arrogance. L'humilité, de l'autre côté, li ene médicament merveilleux. Ene tragédie de l'être humain c'est ki li pli facile pou li pou vine arrogant au lieu vine humble.

Ô Khalifatullah, Moi, To Seigneur ki Plus Puissant, et à Qui appartenir tous bane paroles et tous bane l'expressions, invite tous dimounes pou vine vers Moi en toute humilité. Vini, Ô Mo bane serviteurs, vini, n'importe ki sanlà ki zot été: Vagabond, idolâtre, adorateur difé, pécheur, chercheur de vérité, croyant ... Vini, même si mille fois zot fine casse zot bane serments et ki zot ena l'espoir dans Mo miséricorde. Vini, et vini encore. Mo envoie vers zot encore et encore de temps en temps bane guides pou montrer zot le droit chemin. Heureux à zot ki Mo fine envoie à zot Mo Messenger pou guide zot pou débarrasse zot de tous zot bane péchés obscurs et de zot désespoir, pour ki zot amène ene la vie remplie d'espoir pour prend ene nouveau départ. En vérité, Nous caravane li pas ene caravane de désespoir.

Rappelez ! Zot bizin éloigne zot du fanatisme et de bane croyances personnelles ki zot ena lor zot-mêmes, bane telles croyances ki capave nuire la base même de vraie la foi ki zot fine recevoir. Bane fanatiques manque d'humilité. Zot pas comprend ki conne la vérité et pou marche lors le droit chemin zot pas même z'affaire. Si zot pas prend précaution et zot pas protège vraie la foi, zot capave alle perdi sa la foi là et zot pou tombe dans piège Shaytane ki pé attane zot pou tire zot de chemin d'Allah et pou faire zot dévier et vine bane hypocrites.

En effet, la fin d'ene hypocrite pou pli douloureux ki pou ene non-croyant parceki li fine croire et li fine ensuite rejette la vérité ki vine d'Allah, kot li traite sa comme ene mensonge pou couvert so propre l'état spirituel imparfait. En vérité, bane tels dimounes zot pou dans **« bane profondeurs plus bas dans difé. »** (Chapitre 4, Verset 146).

Ene lotte Message Divine:

Ene l'esprit paisible capave réfléchi mieux ki ene l'esprit préoccupé. Accorde quelques minutes de silence à zot l'esprit tous les jours, et guetter à ki point sa pou aide zot pou façonne zot la vie couma zot expecte li pou été.

Maintenant mo pou faire ene ti commentaire lors révélation ki mo ti recevoir la semaine dernière, le 29 Juin 2018 concernant le Président des États-Unis, Donald Trump.

Message Divine: « Saki le président Donald Trump pé faire... Bien bien mauvais. Bane violent crimes de haine contre ene grand nombre de bane musulmans. Sa c'est le commencement de so la fin. Grand bataille de prière du Khalifatullah et de so bane suivants pou faire Donald Trump gagne ene grand humiliation dans le monde. » (29 Juin 2018).

Commentaire: Dans l'Amérique (États-Unis), la tendance malheureuse de l'islamophobie croissante pé conduire à bane violents crimes de haine contre bane musulmans. Pendant ki li ti pé faire so campagne, Trump ti suggéré ki si li laisse bane réfugiés musulmans rentre dans bane États-Unis sa pou augmente le risque de bane l'attaques terroristes et ki bane immigrants musulmans bizin être interdits dans bane États-Unis ou faire l'objet d'ene « contrôle extrême », même si pas fine ena bane l'attaque terroriste par bane premiers générations de bane réfugiés dans le pays. Bane États-Unis pé applique déjà ene procédure de vérification extrêmement rigoureux et zot fine accueilli zis ene bien ti nombre de bane immigrants de la Syrie et de l'Irak.

D'après message divine ki fine recevoir, li claire ki bane plus mauvais scénarios pou manifester dans le futur pou bane ki pou demande asile et pour la majorité de bane musulmans, ki zot bane résidents américains ou non-américains sous l'administration de Trump.

Dans le contexte de l'inquiétude et de l'incertitude ki suscité par la montée de l'islamophobie, le monde li marqué par ene indifférence croissant et ene insensibilité à bane souffrances humaines, en particulier celui de bane musulmans. Le monde fine engourdi kot li népli ressenti douleur de bane opprimés, et li reste sans réaction devant bane horreurs dans le grand Moyen-Orient. La Palestine, la Syrie et bane minorités musulmanes telles ki bane musulmans Roïngya etc. pé

faire face à bane situations dramatiques et zot pé trouve zot-mêmes être interdit pou gagne zot bane droits civils et le droit pou vivre zot la vie et pou pratique zot croyances religieuses librement. Bane la villes et bane communautés entières fine être ravagé par bane bombardements aveugles, la violence, la destruction, alors ki de plus en plus de bane dimounes pé abandonne zot la vie pour l'inconnu. Sa li pli visible dans la Syrie. Aidé par la Russie, l'Iran et bane diverses milices, le régime d'Assad fine détruire ene grande partie du pays sous prétexte pou combatte terrorisme. Mais la communauté internationale pé nek la guerre [diskité] entre zot, zot pé plaindre ou zis condamner (saki pé passer), c'est tout. L'année 2016 ti ene l'année douloureux pour le monde. Et bane pauvres victimes là pé bizin contigner faire face à tous sa bane massacres là et ene la vie dure ziska azordi.

Paralysé par le terrorisme mondial, bane la guerres civiles, la crise de bane réfugiés, bane conflits sectaires, la musculature géo-politique, bane inégalités économiques croissantes et l'échec de la communauté internationale pou arrête bane hémorragies mondiales, le monde fine assister à la destruction de bane la vies innocents et l'abandon de bane pauvres et de bane opprimés. Si bane l'années à venir pou être différents, alors nous bizin commence par protège la dignité humaine - sa qualité ki uni nous tous, quelle que soit nous la foi, nous culture ou nous nationalité. Mais l'atmosphère générale de malaise et d'incertitude pé contigner persister même aller.

L'élection de Trump comme le président de bane États-Unis li sa courant électrique ki plus manifeste de sa inquiétude là. Avec so bane points de vue controverses lors l'islam et bane musulmans et la façon ki l'islam li lié au terrorisme, Trump pas pé faire nannié de concrets pour dissipe bane blâmes sévères ki pé pèse lors l'islam et so fondateur et so bane suivants. Bane crimes de haine violents, et en même temps so soi-disant tolérance envers l'islam et bane musulmans fine révélés par Allah, kot Allah fine rende manifeste so bane vrais l'intentions.

Maintenant, c'est à sa humble serviteur là, le Khalifatullah et tous bane membres du Jamaat Ul Sahih Al Islam pou présente nous comme ene front uni et pour prier pour la destruction du président de bane États-Unis Donald Trump. Rappelle zot ki *duahs* (la prière) li ene z'arme puissant. Si tous bane musulmans, puissants ou sans défense, tourne zot sincèrement vers Allah, alors ene nouvo l'aube pou lever pour le monde.

La contribution du Jamaat Ul Sahih Al Islam à sa l'égard là li sans précédent. Tous bane vraies religions soutenir l'existence d'ene Dieu suprême et la fraternité universelle de l'homme. Quand le Jamaat Ul Sahih Al Islam fine fondé dans sa l'époque là, li aussi fine propage sa vérité en or là (et mo pé revendique ouvertement ene distinction et la supériorité du Jamaat Ul Sahih Al Islam surtout à sa l'égard là, et sa revendication ki mo pé faire là, mo pas pé faire sa par arrogance ou fanatisme mais li plutôt divinement inspiré et confirmé par Allah). C'est dans la pratique ki nous pou conner ki sanlà pé faire bien le travail (Faudé mange ene manger pou conne so goût). La supériorité de toute doctrine li pas trouve seulement dans bane bel déclarations, mais plutôt dans façon ki li réalise réellement l'idéal dans la vie et l'action réelle de la société humaine. Kan ene dimoune ou ene Jamaat (Communauté) ena l'aide d'Allah avec li, alors personne zamais pas pou capave empêche li pou gagne la victoire.

Jamaat Ul Sahih Al Islam fine vini à ene moment kot même dans bane pays musulmans, la distinction entre bane races et bane préjugés liés avec couleur (de la peau) pé occupe ene place important. Guetter couma la pluie de la révélation divine fine canalise l'Islam dans ene fleuve puissant à travers la personne du Saint Prophète de l'Islam. Par sa même la pluie là, l'Islam fine être ressuscité à travers le Khalifatullah Muhyi-ud-Din de sa l'époque là. *Alhamdulillah Summa Alhamdulillah.*

Ki Allah satisfait avec nous et aide nous pou aide la cause de l'Islam et la cause majeure de l'humanité, en prêchant la fraternité universelle et rétablissant la suprémacie légitime d'Allah dans lé cœur de l'humanité, en tant ki ene Dieu Unique et l'Aide Puissant. Faire appel à Li uniquement, sans aucaine l'arrogance et cherche Li avec humilité et cherche So l'aide pour bane douleurs ki bane Musulmans et le reste de l'humanité pé bizin affronté pour ene l'avenir en or pou demain, *Insha-Allah. Ameen.*